

Բոստոնի ընկերներին կը թողնեմ պատմել, թէ ինչ է արել մեր հանդուցեալ ընկերը Ամերիկայի կազմակերպութեան համար: Եթէ չեմ սխալուեր, 1899-ին էր, որ Վոսամեանը մեկնեց Բոստոն, նոր եկած լինելով Թիֆլիզից, ուր գնացել էր Ընդհանուր Ժողովին մասնակցելու: Շատերը կը յիշեն այն բուռն ու անվերջ միջկուսակցային պայքարները, որ ծագել էին մեր ամերիկեան գաղութի մէջ: Վոսամեան գրեթէ մեն-մինակ կը տանէր իր ուսերի վրայ այդ պայքարը, որի մէջ նետուել էր, կարելի է ասել, a corps perdu, որովհետեւ նա երբեմն նոյնիսկ վտանգի էր մատնուած իր կեանքը:

Հնարաւոր է, որ այդ մոլեգին ըմբռամարտի մէջ, երբ թուով ուժեղ հակառակորդը չէր ինչպէս ոչ մի միջոց «Դաշնակցութիւնը» մարկարեկելու եւ հրապարակից ջնջելու համար, հնարաւոր է, որ Վոսամեանի կիրքն եւս որեւէ սայթաքած ու վրիպած լինի, ինչպէս Վրաքանչիւր մահկանացուինը:

Կիրքը մեծ էր մեր ընկերոջ մէջ, կիրք, որ ծնունդ էր նրա յեղափոխական խառնուածքի ու համոզումի: Առանց այդ կիրքի, հանրային գործիչը անընդունակ է մեծ գործերի, առանց նրան՝ Վոսամեանը չէր կարող լինել այն ինչ որ էր:

Բուռն ու կրքոտ էր մեր ընկերոջ բանահոիւր նաեւ Պոլսի «Ազատամարտ»ի մէջ, ուր հարկ էր ստեղծ պատասխանի, պոլսական յատուկ մամուլի գաղտասուքներին ու յարձակումներին: Քէչեանների ու Քասիմների դէմ էր յաճախ այդ կռիւր, — մարդկանց, որոնք տականքն են ժամանակակից հայութեան եւ որոնց շրջանից ... անգամ այսօր առատութեամբ դուրս են սողում մատնիչներն ու դաւաճանները...

* * *

Սակայն, հրապարակագրութիւնը չէր կըլանում Վոսամեանի գլխաւոր ուժերը, նա մընում էր աւելի շատ երկրորդական մի պարագմունք: Թէ Ժընեւում, թէ Ամերիկայում ու Կ. Պոլսում, Ժէօն-Թիւրքերի յեղափոխութիւնից յետոյ՝ մեր ընկերը մնում էր իր էական ու կարեւորագոյն պաշտօնի մէջ, — այն

է՛ վարել Կենտրոնական մարմնի քարտուղարութիւնը, թղթակցական ընդարձակ յարաբերութիւնները:

Տեսել եմ նրան այդ պաշտօնին մէջ Կ. Պոլսում եւ չեմ թաքցրել իմ հիացմունքը: Ընկերները բազմաթիւ էին ու բազմազարդ, բայց ոչ մէկը Վոսամեանի չափ: Ժողովներից դուրս, ուր հանդէս կը դար հիւթեղ գեկուցումներով ու ճառերով, դուք նրան կը տեսնէիք միշտ բիւրօական սեղանի առջեւ, թղթեր քրքրելիս, նամակներ գրելիս: Շտապ քայլերով կ'երթար ճաշարան, շտապ կ'ուսէր եւ նոյն աճապարար քայլուածքով կը վերադառնար իր աշխատանքի սենեակը, «Ազատամարտ»ի խմբագրատուն: Կը խուսափէր աւելորդ հանդիպումներից, այցելութիւններից ու զրոյցներից: Գործի մարդ էր գերազանցապէս եւ երբ ընկերներից միւր չափէն աւելի կը մնար սենեակում ու կը զբաղեցնէր իր ուշադրութիւնը, «Դաշնակցութեան Քարտուղարը» կը տաղականար եւ սեւէ ձեւով կը հեռացնէր զրուցասէր ընկերոջ: Սիրում էին նրան եւ չէին վերաւորում: Ժամանակը թանկ էր, եւ ամէն մի վայրկեանը Վոսամեան կը ծախէր «գործի» վրայ:

Յոգնութիւն, դադար չգիտէր փոքրիկ, ջղուտ, կենսալի մարմինը: Կը գրէր անդուլ, ժամերով, օրերով. նամակներ ու հրահանգներ դէպի ամէն կողմ: Կ'աշխատէր մինչեւ կորովի վերջին կաթիլը, ստեղծ մինչեւ ուժասպառում: Մեզնից շատերը, մի երկու տարի երկրում ապրելուց կամ գրիչ ու խօսք մարդելուց յետոյ, արդէն «յոգնած են», արդէն «զործել են», արդէն «ձեռացել են»: Վոսամեանը թէկուզ 100 տարի ապրէր, անխոնջ կը գործէր ու ոչ մի պատահար, ոչ մի ազգային կամ անհատական ձախորդութիւն չէր կաշկանդում նրա կամքն ու եռանդը:

Այդ հսկայական աշխատասիրութիւնն եւս մէկն է հանդուցեալի տիրական գծերից, որով նա արժանի է քաղաքացիական իր բարձր կոչման եւ միանգամայն մեր ամենարուեստ երախտագիտութեան:

Երկար տարիներ Ժընեւ, մի քանի տարի Ամերիկա, մի քանի տարի Պոլս — չեն սպա-